

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«\_\_\_» \_\_\_\_\_ 2016թ.

N-----Ա

**ՈՐՈՇՈՒՄ**

**ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ  
ԳՈՒՅՔ ՏՐԱՄԱԴՐԵԼՈՒ ՄԱՍԻՆ**

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2015 թվականի դեկտեմբերի 23-ի հ.451-Ն որոշմամբ հաստատված հավելվածի 3-րդ կետով.

**Երևան քաղաքի ավագանին որոշում է.**

1. Թույլատրել Երևանի քաղաքապետին՝ Երևան համայնքի սեփականություն հանդիսացող Եղ.Թադևոսյան փողոցի հ.2/1 հասցեում գտնվող (անշարժ գույքի նկատմամբ իրավունքների պետական գրանցման հ.15062016-01-0145 վկայական) 1030.59 քմ մակերեսով գույքը (հասարակական շինություններ՝ 856.94քմ, 147.39քմ և 26.26քմ ծածկ) և դրա զբաղեցրած և սպասարկման համար անհրաժեշտ 765.7քմ մակերեսով հողամասը, անհատույց օգտագործման իրավունքով 3 (երեք) տարի ժամկետով տրամադրել «Առաքելություն Հայաստան» բարեգործական հասարակական կազմակերպությանը:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## ՏԵՂԵԿԱՆՔ-ՀԻՄՆԱՎՈՐՈՒՄ

### «ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Նախագծով նախատեսվում է Երևան համայնքի սեփականություն հանդիսացող Եղ.Թադևոսյան փողոցի հ.2/1 հասցեում գտնվող **1030.59** քմ մակերեսով գույքի և դրա զբաղեցրած ու սպասարկման համար անհրաժեշտ **765.7** քմ մակերեսով հողամասի նկատմամբ ձևակերպել «Առաքելություն Հայաստան» բարեգործական հասարակական կազմակերպության անհատույց օգտագործման իրավունքը:

Եղ.Թադևոսյան փողոցի հ.2/1 հասցեում գտնվող գույքը, համաձայն անշարժ գույքի նկատմամբ իրավունքների պետական գրանցման հ.15.06.2016թ հ.15062016-01-0145 վկայականի, հանդիսանում է Երևան համայնքի սեփականությունը:

Հարկ է նշել, որ Շենգավիթ համայնքի ավագանու **24.07.2003**թ. որոշման համաձայն քննարկվող տարածքն անհատույց օգտագործման իրավունքով, հինգ տարի ժամկետով տրամադրվել է «Առաքելություն Հայաստան» բարեգործական հասարակական կազմակերպությանը՝ որպես համայնքի կարիքավոր անձանց սոցիալ-առողջապահական ծառայությունների մատուցման համայնքային կենտրոն օգտագործելու համար, սակայն իրավունքը պետական գրանցում չի ստացել:

«Առաքելություն Հայաստան» բարեգործական հասարակական կազմակերպությունը **1999** թվականին Շենգավիթ վարչական շրջանում հիմնել է համայնքային կենտրոն՝ իր բարեգործական ճաշարանով /տարածքը **07.05.1999**թ գույքի անհատույց օգտագործման պայմանագրով տրամադրվել է Շենգավիթ թաղապետարանի կողմից/, որի միջոցով կազմակերպությունը առ այսօր բազմաթիվ շահառուների մատուցում է սոցիալ-առողջապահական, սննդի և խնամքի բազմաբնույթ ծառայություններ, ինչպես նաև տեղեկատվական խորհրդատվություն և շահառուների հմտությունների զարգացման ու ակտիվացմանն ուղղված դասընթացներ:

**2013** թվականից սկսած Երևան քաղաքում և ՀՀ այլ մարզերում Համաշխարհային Բանկի աջակցությամբ ՀՀ կառավարության հետ համատեղ և Ճապոնիայի կառավարության ֆինանսավորմամբ կազմակերպության կողմից իրականացվել է «Հայաստանի աղքատ և կարիքավոր անձանց կենսամիջոցների բարելավում» դրամաշնորհային ծրագիր: Ծրագրով նախատեսվում է Շենգավիթ համայնքային ռեսուրս կենտրոնի վերանորոգումը և հաշմանդամների անարգել տեղաշարժման համար բարեհարմարեցում, որն իրականացնելու համար անհրաժեշտ է տարածքի անհատույց օգտագործման պայմանագիր և անշարժ գույքի անհատույց օգտագործման իրավունքի վկայական:

Ելնելով կազմակերպության կողմից մատուցվող ծառայությունների կարևորությունից և անհրաժեշտությունից, ղեկավարվելով **2015** թվականի դեկտեմբերի **23**-ի «Երևան քաղաքի սեփականություն համարվող գույքն օգտագործման տրամադրելու և օտարման **2016** թվականի ծրագրի վերաբերյալ» հ**451**-Ն որոշմամբ հաստատված հավելվածի **3**-րդ կետով՝ նպատակահարմար է գտնվել բավարարելու «Առաքելություն Հայաստան» բարեգործական հասարակական կազմակերպության խնդրանքը և վերոնշյալ տարածքի նկատմամբ ձևակերպելու անհատույց օգտագործման իրավունքը:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

**ՏԵՂԵԿԱՆՔ**

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ»  
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՅՈՒԹՅԱՄԲ  
ԵՐԵՎԱՆԻ ԲՑՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ  
ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման ընդունման կապակցությամբ Երևան համայնքի բյուջեի եկամուտներում և ծախսերում փոփոխություններ չեն սպասվում:

**ՏԵՂԵԿԱՆՔ**

**«ԱՆՀԱՏՈՒՅՑ ՕԳՏԱԳՈՐԾՄԱՆ ԻՐԱՎՈՒՆՔՈՎ ԳՈՒՅՔ ՏՐԱՄԱԴՐԵԼՈՒ ՄԱՍԻՆ» ԵՐԵՎԱՆ  
ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ  
ՈՐՈՇՈՒՄՆԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Անհատույց օգտագործման իրավունքով գույք տրամադրելու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**